



TOLOSAKO
UDALA

**LANKIDETZA HITZARMENA,
TOLOSAKO UDALAREN ETA ZUMARDIA ELKARTEAREN ARTEKOA.**

Tolosako Udaletxean, 2020ko 7(e)ko 29(e)an.

Alde batetik, Jose M^a Villanueva Tellería, Tolosako Udaleko Kirolak azpisaileko Zinegotzi Delegatuak, Tolosako Udaleko idazkari Begoña Garmendia Vazquezek lagunduta.

Eta bestetik, Agurtzane Uzin Berasaluze andrea, Zumardia elkarteko lehendakaria. Elkartearen egoitza soziala: Gudari kalea 8 4º C zenbakia eta IFK G-75148106rekin

ESKU HARTZEN DUTE

Lehenengoak, Tolosako Udalaren izenean eta ordezkartizan, Toki-Araubidearen oinarriak arautzen dituen apirilaren 2ko 7/1985 Legearen 21.1 eta 21.3 artikuluetan ezarritako eskumenekin bat etorrira eta 2019/1208 Alkatzaren Dekretuak zinegotzi delegatuei emandako eskumenez baliatuta.

Bigarrenak, Zumardia elkartearen izenean eta ordezkartizan, Agurtzane Uzin Berasaluze, lehendakari gisa, 2015eko abenduaren 22ko batzar orokorrak hartutako erabakiaren arabera.

Bi aldeek Hitzarmen hau egiteko behar adinako legezko gaitasuna aitortzen diote elkarri, eta ondorio horretarako

AZALTZEN DUTE

I.- Zumardia elkarteak, 2020ko urtarrilaren 14ean eta 408 erregistroa zenbakiarekin, Tolosako Udalarekin zuen hitzarmena berritzeko eskaera eta jardueren aurrekontua aurkeztu du, Tolosako Udalaren eta bere Erakunde Publikoen Diru-laguntzen Ordenantza Orokorrak xedatutakoarekin bat etorriz. Elkartearen egitasmoak 2020rako 69.134 euroko aurrekontua du, diru-laguntza eskaeraren helburu diren ondorengo jarduerak gauzatu ahal izateko, eta laguntza hori hitzarmen honen bidez emango da. Jarduerak:

- Naturan praktikatu daitezken kirol eta ekintzen ezagutza eta praktika, ume, gazte eta helduen artean zabaldu. Bizitza aktiboa sustatu eta bereziki emakumeen parte hartzea bultzatuz. Ikastaro, tailer, jardunaldi eta arlo hauen inguruko ekintzak antolatuz, besteak beste:

- Eskalada, espeleologia, slack line.
- Orientazioa, senderismoa, mendizaletasuna.
- Piragua, paddle surfa..
- Bizikletaren ezagupena, mantenua, bide heziketa, mugikortasun iraunkorra.
- Ipar eskia, mendiko eskia, elurretako erraketak.
- Baratza eskola, sendabelarren tailerrak.



TOLOSAKO
UDALA

- Beste batzuk.

- Tolosaldean Natur inguruko kirol eta ekintzen irakaspenerako, formaziorako eta aholkularitzarako gune iraunkorra sortu. Gunearen zaintza, garbitasuna eta mantenua eta bertan kirol materialaren alokairua eta materiala gordetzeko lekua kudeatu.

- Eskola Kirola programan eta Tolosaldeko ikastetxeekin batera, Natur inguruko kirolak txertatzeko ekimena martxan jarri. Heziketa kooperatiboa bultzatu eta balore errespetagarrietan hezi. (Elkarlana, parekidetasuna, enpatia...).

- Tolosaldeako eta Euskal Herriko ondare historikoa, kulturala eta naturala ezagutarazteko ekintzak abian jarri, ekoturismoa aktibo arduratsua bultzatuz: mendi ibilaldiak, bisita eta bidaiak gidatuak, egonaldiak, ibilaldien diseinua, kudeaketa eta mantenimendua.

- Ingurumena babesteko eta bere aldeko jarrerak sustatzeko ekintzak bideratu: sentsibilizazio kanpainak, publikazioak, jardunaldiak, inguru naturalen garbiketa eta berreskuratze lanak.

- Tolosaldeako pertsona, elkarte, enpresa eta administrazioen arteko parte-hartzea eta elkarlana bultzatu, gure ingurua eta bizi-kalitatea hobetzeko ekimen bateratuak sortuz eta ekonomia solidarioa sustatuz.

- Euskararen ezagupena eta erabilpena bultzatu, eguneroko komunikazio eta harremanetan erabiliz eta lehenetsiz.

II.- Zumardia elkarteak egunean dituela zerga-betebehar guztiak eta egunean dagoela Gizarte Segurantzarekin.

III.- Zumardia elkarteak ez dagoela 38/2003 Legeak, azaroaren 7koak, Dirulaguntzei buruzkoak, bere 13. artikuluko 2. eta 3. zatietan dirulaguntzak jasotzeko adierazitako debeku-kausaren baten pean.

IV.- Bere estatutuekin bat etorritik, entitate eskatzailearen xedea bat datorrela hitzarmen honen bidez emango den dirulaguntzaren xede eta helbururekin.

V.- Tolosako Udalaren 2020ko udal aurrekontuan, 1000.481.01.34100. partida agertzen dela, 12.000 euroko zenbatekoarekin, Zumardia elkartearen dirulaguntza izendunaren kontzeptuaren pean.

VI.- 7/1985 Legeak, Toki Araubidearen Oinarriak arautzen dituenak, bere 25. artikuluan honela dioela: "Udalerrriak, bere interesak kudeatzeko eta bere eskumenen esparruan, auzo-



TOLOSAKO
UDALA

erkidegoaren beharrak eta nahiak betetzen lagundu dezaketen jarduera-mota guztiak bultzatu eta nahi adina zerbitzu publiko egin ditzake.

Hain zuzen ere, Lege horren 25.2 artikulua, udalen eskumenen artean, eskumen hau jasotzen duela: kirol sustapena eta kirol ekipamendua arloko eskumena.

Era berean, 2/2016 Legeak, apirilaren 7koak, Euskadiko Toki Erakundeei buruzkoak, bere 17. artikuluan, udalerrien eskumen propioak zeintzuk diren aipatzen ditu, horien artean kirola eta ekipamenduari buruzko politikak sustatzea dagoelarik. Horretarako, euskal administrazio publikoek, koordinazioko eta lankidetzako, gizarte-ekimenaren sustapeneko eta baliabideen aprobetxamendu osoko, arrazional eta eraginkorreko printzipioak aplikatuz, egoki gertatzen denetan, gizarte-ekimen pribatuak garatzen dituen gaitasunak eta baliabideak aprobetxatzen ahaleginduko dira.

VII.- Hitzarmen hau ematen dela lege-arau hauen babesean: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzko lege orokorra eta 887/2006 Errege Dekretua, azaroaren 21ekoa, hura garatzen duen Erregelamendua onartzen duena; eta Tolosako Udalaren eta bere Erakunde Publikoen Diru-laguntzen Ordenantza Orokorra.

Eta ados daudenez, bi aldeek hitzarmen hau formalizatzen dute, ondoren zehazten diren klausulak ezarriz.

KLAUSULAK

Lehena: Xedea.

Hitzarmen honen helburua da Tolosako Udalaren eta Zumardia elkartearen arteko lankidetzarako eremu egonkor bat ezartzea Tolosako udalerrien barruan. Udalaren ustez, kirol elkarteek eman dezaketen laguntza oso baliagarria dela kirol arloko helburuaz gain kirolarien garapen pertsonala eta sozialerako, bizikidetzarako ekarpen garrantzitsua eskaintzan dutelarik.

Horregatik Udalak herriko klubak bultzatu nahi ditu, baldin eta klub horiek antolamendu-egitura arrazional eta sendoa badaukate eta berak finkatu duen kirol politika eta zeharkako udal politika jarduera-ildoarekin bat badatoz.

Era horretan, kirol eta aisialdiko jarduerak aurrera eramateko berreskuratu dela Oria ibaia, eta bide batez, ibaia biziberritu ahal izango dela balio ekologiko, sozial eta kirol mailako espazio modura.

Bigarrena: Diruz lagundu daitezkeen jarduerak.

Hitzarmen honen eremuan honako jarduera hauek sartzen dira:

a) Taldearen egitura eta ohiko jarduerak, bai lehiaketazkoak baita aisialdikoak ere. Zentzu honetan diruz lagunduko diren kontzeptuak hauexek dira:

- langile-gastuak.
- koordinatzaile, entrenatzaile, begiraleei gastuak.
- kirol materiala jarduera ezberdinetako (piraguak, sokak, beste batzuk...)
- garraioa



TOLOSAKO
UDALA

- zerbitzu teknikoak (gestoria, telefonia...)
- teknikoen formakuntza
- aseguruak
- publizitatea
- Trofeo-sariak
- Garbitasunerako produktoak
- Garbitasun eta mantenu zerbitzuak

b) Jarduera berezien antolaketa.

Laguntza honetan kontsideratuko diren kontzeptuak:

- Antolaketa gastuak (logistika)
- Aseguruak
- Sariak eta trofeoak
- Publizitatea

Ez dira kontsideratuko bazkarien, afarien edota ostalaritzako zerbitzuen kostuak, salbu eta diruz lagundutako jarduerak partehartzaileek sortutakoak.

d) Eskola kiroleko hitzarmenak

Eskola kirolaren mesedetarako, lankidetzak hitzarmenak gauzatu daitezke kirol elkarte/klubak eta ikastetxe / guraso elkarten artean. Hitzarmen hauek ezinbestekoak izango dira eskola kiroleko jarduerak subenizionagarria izateko.

Hirugarrena: Diruz lagundutako jardueren finantziaketa.

Tolosako Udalak dirulaguntzen bidez hartuko du parte hitzartutako jardueren finantzaketan. Dirulaguntza hau 2020ko kirol eta aisiazko jarduerekin lotuko da, dirulaguntza 12.000€-koa izango da.

Xede honetarako, Tolosako Udalak dagokion urteko aurrekontuetan beharrezkoak diren baliabide ekonomikoak gordeko ditu, 1000.481.01.34100 Udal Aurrekontuetako partidaren kargura; dena dela, diruz lagundutako entitateak beste erakunde batzuen diru-laguntzak ere jaso ditzake.

Zumardia elkarteak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira diru-laguntzaren zenbatekoaren azken zehaztapena egiteko, eta kasu horretan ulertuko da pertsona edo entitatearen kontura geratzen dela diruz lagundutako jarduerak osorik exekutatzeko behar den finantzaketaren diferentzia, eta, bere kasuan, finantzaketa publikoa itzuli egin beharko da jarduerak horren kostu osoa gainditzen duen kopuruan.

Diru-laguntza hau bateragarri izango da helburu bereko beste diru-laguntza, laguntza, sarrera edo baliabide batzuekin, edozein administrazio edo entitate publiko edo pribatu nazionalatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste diru-laguntzak erregulatzeko araudiak horri buruz agindu dezakeenari.

Gerta daitezkeen kofinantziazio-kasuek honako baldintza hauek bete beharra daukate:



TOLOSAKO
UDALA

a) Emandako diru-laguntzaren zenbatekoak ezin du inola ere gainditu, beste diru-laguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.


Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo diru-laguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie diru-laguntzak eman dituzten entitateei, entitate horietako bakoitzak emandako diru-laguntzen proportzioan.

Hala ere, baldin eta Tolosako Udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako diru-laguntzaren mugaraino.


Diru-laguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

Laugarrena: Guneen Erabilera.



Zumardia elkartearen jarduera-programa behar bezala garatzeko, klubak Zumardia handia, "Pototxo gunea" eta bertako ontziralekua erabiliko ditu, denboraldi bakoitzean behar dituen egun eta orduetan. Zumardi handiko etxola eta Pototxo gunea, tailerra, aldagelak eta beharrezko materiala gordetzeko erabiliko da.


Zumardia elkarteak gunek hauek garbitasun, zaintza eta kontserbazio egoera ezin hobean mantenduko dituela bermatuko du.



Ohizko mantentze-lana eta kontserbazioa gainditzen duen inguruabarren bat gertatzen bada, klubak Kirol Departamentuari jakinaraziko dio ahalik eta lasterren, eta udal teknikoek baloratuko dute zer irtenbide eman.

Legearrekin bat etorritik, eta Ur Agentziak emandako jarraibideak betez, Pototxoko ontziralekua zabalik egon behar du ibairako sarrera-irteera libre utziz. Ibaiko sarrera-irteera honen izaera, egoera eta neurriak Ur Agentziarekin adostu ditu Udalak. Tolosako Udalak leku hori garbi mantentzen dela eta sarrera-irteera libre egongo dela bermatuko du.

Edozein pertsonak edo elkarteak erabili dezake ontziralekua modu partikularrean edo jardueraren bat antolatzeko baino honen erabileraren erantzukizuna eta jardueraren ardura bere gain hartu beharko ditu.



Hori horrela, Tolosako Udala salbuetsita gelditzen da ontziralekuaren erabileran gertatutako edozein motatako erantzukizunetik. Era berean, Zumardia elkarteak ere salbuetsita dago erantzukizun horretatik, elkarteak antolatzen duen jarduera ez bada.



TOLOSAKO
UDALA

Udalak baldintza hauek aldatzeko eskumena du, baldin eta egoki ikusten badu eta behar berriek hala eskatzen badute.

Bosgarrena.- Baimenduaren betebeharra da beharrezkoak diren segurtasun-neurriak hartzea material kaltegarria eta/edo arriskutsuak erabiltzerakoan edo biltegitzerakoan, ondorio negatiborik jasan ez dezaten, ez pertsonak, ez egin beharreko jarduerak. Ardurarik ez izatea segurtasun neurriak hartzerakoan, eta/edo materialak erabiltzerakoan erakunde eskudunaren baimenik ez izatea, halakorik behar denean, arrazoi izan daitezke hitzarmen hau eteteko.

Udalak ez du erantzukizunik izango Zumardia elkartearnak diren elementuetan gerta daitezkeen kalte, galera edota gertaerengatik. Horretarako, klubak dagokion aseguru poliza sinatu behako du gertaera horietatik babestuta gelditzeko.

Seigarrena: Indarraldia.

Hitzarmen honek, 2020ko urtarrilaren 1etik abenduaren 31arte izango ditu ondorioak. Emandako diru-laguntza behar bezala erabili dela justifikatu behar zaio dagokion departamentuari, Tolosako Udalaren eta bere Erakunde Publikoen Dirulaguntzen Ordenantza Orokorrak xedatutakoaren arabera.

Zazpigarrena: Diru-laguntza jaso dezaketen gastuak.

Dirulaguntza jaso dezaketen gastutzat hartzen dira, indarrean dagoen legeriaren eta Tolosako Udalaren eta bere Erakunde Publikoen Dirulaguntzen Ordenantza Orokorraren 27. artikuluko aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; hitzarmenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, espresuki kontrakoa xedatu ezean, justifikatzeko epea bukatu aurretik egiaz ordaintzea.

Onartuko dira gastu bezala 2020ko urtarrilaren 1etik abenduaren 31 bitarte sortzen direnak.

Diru-laguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, diru-laguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua diru-laguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, diru-laguntzarako eskabidean. Proposamen ekonomikorik onena aukeratzeko ez denean, espresuki justifikatu beharko dira erabili diren irizpideak, memoria baten bidez.

Gutxienez hiru hornitzailearen eskaintzak aurkeztu ez badira edo aukeratu bada, behar bezala arrazoitu gabe, proposamen ekonomikorik onena ez baizik besteren bat, organo emaileak eskatu ahal izango du ondasun edo zerbitzuaren peritu-tasazio bat egin dadila, eta sortzen diren gastuak pertsona onuradunaren kontura izango dira. Kasu horretan, dirulaguntza kalkulatu



TOLOSAKO
UDALA

da erreferentziatzen harturik bi balioetan txikiena dena: pertsona onuradunarena edo tasazioaren ondorioz ateratakoa.

Zortzigarrena: Diru-laguntzaren justifikazioa.

Diru-laguntza emateko egintzan aurreikusitako baldintza eta helburuak bete izanaren eta lortu izanaren justifikazioa egingo da DLOaren 30. artikuluan, DLOaren Araudian eta Tolosako Udalaren eta bere Erakunde Publikoen dirulaguntzen Ordenantza Orokorren 28. artikuluan aurreikusita dagoenaren arabera.

Diru-laguntza justifikatu behar da «kontu erraztua» izeneko modalitatearen bidez, baldin eta diru-laguntzen zenbatekoa 15.000 eurokoa edo gutxiagokoa bada, eta kontu erraztuak jaso behar du, oro har, honako dokumentazio hau:

a) Jarduera-memoria (A1 inprimakia) dirulaguntza ematean ezarritako baldintzak betetzen direla justifikatzeko, non adieraziko diren zein jarduera egin diren.

b) Balantze ekonomikoa (gastu eta sarreren inprimakia) batetik; bestetik gastuen eta inbertsioen zerrenda ataletan banatuta, eta identifikatuta dituela hartzekoduna eta dokumentua, zenbatekoa eta jaulkipen- eta ordainketa-datak, Tolosako Udalak emandako ereduaren moduan justifikatuko dena (Kz inprimakia). Diru-laguntza aurrekontu zenbatetsi baten arabera ematen denean, zein desbideratze izan diren adieraziko da.

c) Egonez gero, eskola kirolerako Ikastetxeekin sinatutako hitzarmen kopia. Klubak jarduera horretarako egindako gastuak eta izandako sarrerak egiaztatuko ditu (monitoreen ordainagiriak, jarritako materiala...).

d) Diruz lagundutako jarduera finantzatu duten beste sarrera edo dirulaguntzen zehaztapen bat, non zenbatekoa eta jatorria adieraziko diren.

f) Aplikatu ez diren soberakinak eta horietatik ateratzen diren interesak itzuli direla dioen ordainketa gutuna.

Organo emaileak diru-laguntza egoki aplikatu ote den egiaztatuko du horren gaineko arrazoizko ziurtasuna ematen duen ordainagirien lagin bat begiratuta. Dagokion deialdian, laguntza emateko-erabakian edo hitzarmenean zehaztuko da zein den egiaztatu beharreko elementu-kopurua, ondoren adierazten diren mugak errespetatuta:

a) Emandako dirulaguntzaren zenbatekoaren %25 gainditzen duten egiaztagiri guztiak begiratu dira.

b) Gainerako egiaztagirietatik begiratu da elementuen lagin bat, zeina gutxienez portzentaje hau den populazio osoaren elementu-kopuruarekiko:

- Egiaztagiriak hamar edo hamar baino gutxiago badira: %100.

- Egiaztagiriak hamar baino gehiago eta hogeit hamar baino gutxiago badira: %70.

- Egiaztagiriak hogeit hamar baino gehiago eta berrogeit hamar edo berrogeit hamar baino gutxiago badira: % 40.

- Egiaztagiriak berrogeit hamar baino gehiago eta ehun edo ehun baino gutxiago badira: %30.

- Egiaztagiriak ehun baino gehiago badira: %20.

Bederatzigarrena: Dirulaguntzen justifikazioa aurkezteko epea.

Dirulaguntzen justifikazioa aurkezteko epea, beranduena ere, 2021 urtarrilaren 31-a izango da.



TOLOSAKO
UDALA

Hamargarrena: Ordaintzeko prozedura.

Dirulaguntzaren ordaintzeta beti ere hitzarmen hau sinatu ostean egingo da, dirulaguntzaren onuradunak, kasuan kasuko justifikazioak aurkeztu eta organo eskudunak onartu ondoren, beti ere jarduera dela-eta eskumenak dituen departamentuak aldeko txostena egin ondoren.

Dirulaguntza bi zatitan ordainduko da: lehena, dirulaguntzaren % 75, organo eskudunaren erabakiaren jakinarazpenarekin batera eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkeztutakoan; eta gainontzeko % 25-a, egindako gastua justifikatzen duen kontua aurkeztutakoan, eta udal zerbitzuaren onespenerarekin, ebazpena

Bete beharreko baldintza izango da egunean egotea diru-laguntzak jasotzeko betebeharretan.

Ordaintzeta Dirulaguntzen Datu Base Nazionalari jakinarazi behar zaizkio ordaindu eta hurrengo hilabetea bukatu aurretik.

Hamaikagarrena: Diruz lagundutako jardueraren publizitatea.

Zumardia elkarteak diruz lagundutako jardueren publikotasuna zabaltzeko neurriak hartu beharko ditu, diruz lagundutako objektuentzat egoki direnak, dela beren forman, dela beren iraupenean, nola baita, esaterako, Tolosako Udalaren irudi instituzionala edo beraren finantzaketa publikoari buruzko legendak sartzeko karteletan, plaka oroigarrietan, inprimatutako materialetan, baliabide elektroniko edo ikus-entzunezkoetan, edo, bestela, hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.

Zumardia elkarteak konpromisoa hartzen du Tolosako Udalak beharrezkotzat eta interesgarritzat jotako gizarte, hezkuntza, kultura eta jolas ekitaldietan laguntza eta babes emateko.

Hamabigarrena: Euskararen erabilpena.

Ahozko informazioa (megafonia...) eta idatzizkoa (kartelak, oharrak...) euskaraz edo elebitan egin behar dira, eta azken kasu horretan euskarari lehentasuna emanda, Tolosako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

Hamahirugarrena: Genero berdintasuna.

Ezin izango dute parte hartu eta ez dira pertsona edo entitate onuradun izango ondorengo hauek:

- Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.
- Sexu edota hizkuntza sexista erabiltzen duten pertsona fisiko edo juridikoak.
- Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.
- Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.



TOLOSAKO
UDALA

- Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.

Hamalagarrena: Jarraipen Batzordea.

Hitzarmen honen testuinguruan, bi aldeek adostu dute Hitzarmen honen jarraipena egiteko batzorde bat eratzea. Batzorde horren funtzioak hauek izango dira: hitzarmena ongi betetzen dela zaintzea, sor daitezkeen zalantzak argiturik; dirulaguntza jaso duten jarduera guztien memoria eta ustiapen-kontua adostea; hitzarmena betetzen ote den eta zein neurritan betetzen den aztertzea; eta bi aldeen interesekoak izan daitezkeen lankidetzak bide berriak proposatzea.

Tolosako Udalak egoki irizten dituen ikuskapen eta ziurtapenak egiteko ahalmena du, diruz lagundutako elkarteak hartutako konpromisoak betetzen dituela egiaztatzeko helburuarekin.

Hamabosgarrena: Iraungitzea.

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

Hamaseigarrena: Lan- eta zerga-legeria. Diruz lagundutako entitateak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

Hamazazpigarrena: Izaera administratiboa.

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

Hamazortzigarrena: Erantzukizunpeko adierazpena.

Tolosako Udalaren eta bere Erakunde Publikoen Diru-laguntzen Ordenantza Orokorren 10.11. artikuluan xedatutakoaren arabera, DLOaren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

Hemeretzigarrena: Gainerako legeria.

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Dirulaguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Tolosako Udalaren eta bere Erakunde Publikoen dirulaguntzen Ordenantza Orokorra.

Hogeigarrena: Izaera pertsonaleko datuak.

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplikatu daitezkeen guztian, beteko dutela.

Hogeitabatgarrena: Baimentzea.



TOLOSAKO
UDALA

Zumardia elkarteak espresuki ematen dio baimena Tolosako Udalari, edozein momentutan eta edozein administrazio edo erakunde publikotatik zuzenean eskura ditzan hitzarmen honen bitartez eskatutako diru-laguntza lortzeko ezinbesteko baldintzak betetzen direla egiaztatzeko behar diren datuak.

Hogeitabigarrena: Gardentasun ataria.

Hitzarmenaren testua argitaratuko da Gardentasun atarian eta Udaletxeko iragarki taulan.

Eta ados daudela adierazteko, hitzarmenaren hiru ale izenpetzen dituzte bi aldeek, nire aurrean eta goiburuan aipatutako toki eta egunean, eta nik, idazkari naizen honek, fede ematen dut.

Zumardia elkartearen lehendakaria

Zinegotzi-Delegatua

Agurtzane Uzin Berasaluze

Jose M^a Villanueva Tellería

Nire aurrean,

IDAZKARIA

Begoña Garmendia Vazquez